



CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91
Email: concellodemeano@terra.es • Web: www.concellodemeano.com

ORDENANZA FISCAL DA TAXA POR PRESTACIÓN DE SERVIZO DE TRANSPORTE ASISTENCIAL.-

Feito Imponible.-

O feito imponible da Taxa prestación do servizo de TRANSPORTE ASISTENCIAL, en canto servizo público de carácter social para facilitalo desprazamento dentro do Termo Municipal de Meaño das persoas con discapacidade e/ou dependentes e das persoas maiores que reunan os requisitos que se recollen no regulamento de funcionamento e organización deste servizo.

Base imponible.-

A base imponible virá determinada polo uso do servizo dacordo co réxime de prestacións que se sinala no Regulamento do servizo.

Devengo.-

O dereito da Administración a esixi-lo pagamento da taxa virá determinado pola adquisición da condición de usuario e en virtude de cada desprazamento que efectúe o usuario.

Suxeito pasivo.-

Serán suxeitos pasivos da presente taxa os usuarios ou os titores legais destes, en caso de incapacidade dos mesmos, que se beneficien deste servizo.

Período impositivo.-

Coincidirá coa permanencia efectiva no disfrute da prestación do servizo por parte do suxeito pasivo.

Xestión-Liquidación.-

Liquidación será mensual e o pago farase efectiva dentro dos primeiros quince días de cada mes seguinte o vencido, mediante domiciliación bancaria que autorizará o solicitante ou titor, por escrito no intre de acadala condición de usuario.

Cotas/Tarifas.-

- Por cada desprazamento para acudir a centros ou equipamentos sociais do Concello ou asistir as actividades que organice o Concello nas que poidan participar os usuarios: 2€/desprazamento completo ida e volta.

- Os restantes desprazamentos: 4€/desprazamento completo ida e volta.

Entrada en vigor.-

A presente Ordenanza Fiscal reguladora desta taxa, que foi aprobada polo Pleno da Corporación en sesión de data _____ será de aplicación a partir de 1 de xaneiro de 2008 e entrará en vigor e empezará a aplicarse unha vez publicada a súa aprobación definitiva e o texto íntegro no Boletín Oficial da Provincia, permanecendo en vigor en tanto non se acorde a súa modificación ou derogación.

Meaño, 11 de decembro de 2007

O Alcalde



Asdo: Jorge Domínguez Rosal



CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91
Email: concellodemeano@terra.es • Web: www.concellodemeano.com

D^a M^a TERESA ESCUDERO BARRAL, Secretaria -Interventora do Ilmo. Concello de Meaño (Pontevedra).

CERTIFICO:

Que o Pleno da Corporación, en sesión ordinaria de data 10 de outubro de 2011, entre outros, adoptou o seguinte acordo:

“5º.- MODIFICACIÓN DAS ORDENANZAS FISCAIS REGULADORAS DAS TAXAS POR PRESTACIÓN DOS SERVIZOS:

5.3.- TRANSPORTE ASISTENCIAL.

O Sr. alcalde-presidente maniféstalles aos membros presentes da Corporación que o Concello de Meaño, ven prestando, desde o ano 2008, este servizo público de carácter social que veu a facilitar o desprazamento dentro de termo municipal das persoas con discapacidade e/ou dependentes e das persoas maiores.

Desde a súa implantación, as cotas desta taxa tampouco sufriron variación e atópanse moi por debaixo do custe do servizo.

Sometido o asunto a deliberación toma a palabra o Sr. Pazo Castro, quen pregunta si este servizo non se solapa con outros como pode ser o 061.

Contesta o Sr. Alcalde que non, que se desenvolve no termo municipal de Meaño e abrangue os desprazamentos para acudir a centros ou equipamentos sociais do Concello, consultas médicas, asistir a actividades que organice o Concello ou para realizar actividades básicas relacionadas coa vida diaria autónoma.

Rematadas as intervencións e sometido o asunto a votación ordinaria, o Pleno da Corporación aceptando o ditame proposta da Comisión Informativa Permanente de Asuntos Sociais, con dous votos en contra do/a Sr./a García Fernández e Pazos Castro, e por nove votos a favor, acorda:

1º/ Modifica-las cotas/tarifas de deducións da Ordenanza Fiscal Reguladora da Taxa pola prestación do servizo de Transporte asistencial, quedando como segue:

“Cotas/Tarifas.-

- Por cada desprazamento para acudir a centros ou equipamentos sociais no termo municipal ou asistir as actividades que organice o Concello nas que poidan participar os usuarios 3,00 €/desprazamento completo ida e volta.
- Os restantes desprazamentos: 5,00 €/desprazamento completo ida e volta.

Deducións no importe.-

1. Estes importes reduciranse polo desprazamento dunha parella ou máis dun membro da mesma unidade familiar ou de convivencia, gozan dunha dedución do 20 % da cota tributaria desta taxa, e queda fixada en:

- Por cada desprazamento para acudir a centros ou equipamentos sociais no termo municipal ou asistir as actividades que organice o Concello nas que poidan participar os usuarios 2,40

- €/desprazamento completo ida e volta.
- Os restantes desprazamentos: 4,00 €/desprazamento completo ida e volta.

Estas deducións só serán de aplicación aos residentes no termo municipal.

2. O titular do recibo terá dereito á dedución da cota á que se refire o punto primeiro, logo de solicitude dirixida ao Sr. alcalde do Concello de Meaño segundo modelo adxunto e acompañada da documentación seguinte:

- a) Copia do DNI
- b) Certificado de convivencia/empadronamento.

3. No caso de non resultar acreditadas as circunstancias que dan dereito á dedución, o Concello, logo de audiencia ao interesado, dictará a oportuna resolución denegándoa.

4. A dedución será practicada no seguinte mes da solicitude e acreditación das circunstancias que dan dereito a dedución, a partir de que esta sexa efectiva.

5. Calquera modificación das circunstancias que deron lugar ó aproveitamento da dedución deberá ser comunicado polo interesado ao Concello. A perda do dereito a dedución será efectiva a partir do período seguinte de recibo ó que a devandita modificación teña lugar.

Entrada en vigor e data de aprobación.-

A presente modificación que afecta á tarifa da Ordenanza Fiscal Reguladora desta taxa, aprobada polo Pleno da Corporación en sesión de data 10 de outubro de 2011, entrará en vigor o día seguinte da publicación do seu texto íntegro no Boletín Oficial da Provincia e será de aplicación a partir do 1 de xaneiro de 2012, permanecendo en vigor ata a súa modificación ou derogación expresa.”

2º Aprobar provisionalmente a modificación, nos termos sinalados no apartado 1º deste acordo, da Ordenanza Fiscal reguladora da Taxa pola prestación do servizo de Transporte asistencial.

3º Expoñer ó público o presente acordo mediante edictos publicados no Taboleiro de Anuncios e no Boletín Oficial da Provincia durante trinta días hábiles para os efectos de que os interesados poidan examinalo expediente e presentalas reclamacións que consideren oportunas, entendéndose definitivamente adoptado este acordo, sen necesidade de novo acordo, de non presentarse reclamacións ao mesmo.”

E para que así conste e para os efectos de unir ao expediente, expido e asino a presente coa reserva dos termos que resulten da aprobación definitiva da acta desta sesión, ao abeiro do artigo 206 do ROF, de orde e co visto e prace do Sr. Alcalde, en Meaño a vinte e catro de outubro de dous mil once.

Vº e Prace
O Alcalde

